


275.465

39

11







木厓潘蜀藻定



夏

錄

悠然亭



蓉川入夏錄前序

詩文而付于筆札以錄之慮逸散也詩本性情文寓道感而後發揮而後成善而後錄孰謂善出於性情之正而有益於身心國家者是也若是則自錄固當錄以貽後益當人或監焉錄之亦當而自不容議也上古詩書維多孔子刪其繁而略其靡詩為三百篇書五十篇正謂無益之故耳百世之下家傳而人習之如布帛菽粟日用而不可缺也蓉川先生南州鴻儒自登第即選辭林繼居諫垣論列不避負重望者八年既而陟官南州更歷多態項自南都刑署補任陝臬督儲夏方日贊輔撫臺聯峰翟老先生同心一德興滯補弊積食養



兵且莫勤邊大樹邊望嘉謨在田野亦與快說一日得  
先生自南來途次及關中入夏塞所咏律詩古風絕句  
排律長篇及蓬獻一疏名曰入夏錄蓋他錄居多此特  
夏耳讀之終日不倦詩如趙宋智寤疆宇蹙范韓師老  
髣毛斑又如春遠尚聞鶯舌在花稀應念蝶魂勞歌如  
但使烝藜歲飽食何惜萬山蒼翠爲薪樵皆警拔有心  
句也不能徧揭疏如可憂者三可惜者四重根本節財  
用憂邊疆息朋黨重宰輔宥諫臣裁冗濫抑倖位銷天  
變可謂達天人之理識治亂之原其氣充其學博其心  
志懇切其識見超邁其辭語直峻舉天下所不敢言而  
獨能言之是豈無益不根風雲花柳浮辭浪語所能仿

彿其萬一哉昔寇忠愍公登樓詩野水無人渡孤舟盡  
日橫當時以爲相業句董仲舒對賢良策正誼明道之  
說劉向稱其王佐之才是錄詩疏中外今日亦不多見  
藉使董寇復生亦不過此我 皇上廣大仁明樂聞直  
諫已付疏辭於所司矣行將論定大有所悟淡契 淵  
衷不日 命召左右匡輔爲理盡平生所學而措之致  
天下於太平康阜之域臯契可冀也如董如寇在武帝  
真宗時相業王佐之名不足擬也嘉謨非妄有所思於  
分外者不敢詭諛於前以取一時容悅惟道其實耳  
嘉靖歲舍庚寅秋七月上旬之吉夏人城南居士張嘉  
謨序





入夏錄序

士君子之所以長留於天壤間者事業文章而已事業之盡意與不盡意各有數存而能文章者之有傳有不傳亦不必不有數存也予今年六月偶從潘蜀藻借得唐初盛詩紀聊任己意選訂藉祛酷暑所見唐一代用詩取士聚天下諸州之豪傑每歲會於南宮將及三百年而姓名之載在詩紀者不滿千人除太白少陵以及高岑王孟諸家多或數十首少止數首甚止一二首而多如少陵斷自龍門奉先寺不及吳越之遊其最著諸家中又有起家鄉貢布衣與長布衣以老用詩取進士惟王右丞岑嘉州文章之不能不限於數詩其一矣正



在警校未定會齊子秋浦惠子先世蓉川集一本蓉川先生以能詩爲桐人士首唱間見明詩人選惜不多見乙巳就姚經三於建寧經三攜去所藏桐先輩詩甚富於中得先生入夏錄詩二百首望其氣象蓬勃大得少陵沉鬱頓挫之致視同時生吞活剝之李空同超而上之予故嗜杜不禁慨然向往曰詩之足爲桐重者莫先生若也卽安得先生全集盡集之爲大快乎逾十餘年於蜀藻龍眠風雅得南征紀行爲快及入夏錄一半今於蓉川集得悠然亭雜詩開堰集合之亦纔與入夏錄相當先生由名進士讀中秘書特授給事八九年爲忌者所中縣丞丞崇德郡丞丞青州始晉南戶部郎出僉

寧夏又由寧夏備兵臨清按察中州數歷不其一地以能詩如先生固應所到有詩而先生又力能自存其詩今詩之存者第止如此豈非生前歿後散失已多爲予數槩唐人之證哉先生所事之主爲荒宴侈大之武宗入世宗朝不及改元之歲已卽外謫當在諫垣諸所建白如請建儲貳黜奸邪發宸濠反狀止車駕南征收威武勅白文成寃單車寧夏忘身在外臺爲饑民請命皆言人之所不敢言不能言使先生得盡展生平之才識忠誠內之高議廟堂進賢退不肖外之臨戎用衆經營戰守機宜功詎出文成下而人故挫之於直言敢諫之日天必奪之於老成宿望以次柄用之年是先生之受



阨於數事業其最大者相提而論何有於小之雕虫之  
末技然曾孫秋浦深懼先緒之淹沒謀於竹林重爲鏤  
板行世吾黨潘蜀藻何令遠業已序之於前至於兩朝  
洞達剴切之奏議追踪賈陸朝廷現在按籍訪求必無  
編纂之家不一一載之惇史無俟予贅在予向往先生  
始於先生入夏錄而卒讀全集又適在選訂唐詩之時  
故因秋浦命序忽抱歉然不盡之感於詩則亦向往之  
志然也遂書歸秋浦俾作先生入夏錄序

同里後學陳式頓首拜誤



入夏錄卷上目錄

桐城齊之鸞瑞卿著

曾孫山秋浦校

後學潘江蜀藻定

元孫九疇公瑣

來孫昶方升全輯

得寧夏之報謾書二首 與陳棟塘郎中葉旗峰

陸篋齋二主政同遊牛首山詩 出安德門 白

雲方丈次陽明先生韻 登牛首山 唐銀杏

浮園影 虎跑泉 白龜池 卓錫泉 憑虛閣

一名芙蓉閣 兜率崖 辟支洞 昭明池 巨人跡

將遊獻花崑雷雨大作 遊獻花崖 歸雲亭

芙蓉閣 太白泉 宿星房 待月臺 伏虎洞



拱北峰 聳翠亭 小星槎 大觀堂 送同

年牛西唐太常致仕歸南陽 前太平歌送李寓

山秋官赴召詣闕名松字節夫後太平歌贈陸弘齋廷

平赴召詣闕名鰲送同年林石厓寺丞陟大理少卿

二十韻 送同年吳北川學士赴修大明會典三

十韻 送朱華溪郎中考績入京名方字良矩石頭城

別諸僚友入舟 與述兒乘別舟至三山舟人醉

而觸石覆焉倉卒脫難感而有賦 和尚港登觀

音閣二首 夜聞隔江虎聲作洲虎行 將至兔

河山莊 龍山書院小集 松蝗嘆 度桐溪橋

光州簡孫德夫同年二首 飛蝗嘆書西平書縣臺屏

郟城縣臺壁是縣道中無蟬望中嶽 彭婆鎮謁范文正

公祠墓在萬安山下伊闕之內溪山風氣甚聚龍門龕 渡洛水 洛

陽漫興 過函谷新關 會盟臺咏古 澠池道

中 張茅坐雨 函谷舊關懷古 稠桑道中望

黃河 出關用邃菴先生韻 登太華山二首

驪山四絕 溫泉 始皇墓 戲亭 鴻門 長

安中秋對月十韻 久雨新霽登秦城鐘樓 同

姚拙菴憲長張心齋副使盧藍山僉事遊小雁塔

是日雨阻不能至曲江送成遂齋方伯陟太常卿入京 同

許義菴憲副遊大雁塔 過乾陵 永壽道中自西

安至此地漸高矣邠州曉發二首 午發政平二首 寧



州曉發 慶陽卽事 謁范韓祠 靈祐驛次毛

東塘韻 曲子里驛次郭雨山韻 過本鉢城志作

波靈武臺予睹壁間之作有過清平驛坐雨是

夜燈下聞雁口號 山城漫興 將至萌城 秋

雪行小鹽池作過石溝 將至靈州 入夏城 到鎮

三日卽出按部沙井道中卽事二首 韋州月夜

望螺山有作 峽口 花馬池初謁晉溪公出述

事 立春 除夜 庚寅元日試筆用立春除夜

二韻 送楊中舍册封回京 春巡雜咏十五首

小鹽池驛書懷二首用前韻 豫望城獨酌

將至威武堡三首 入寧安堡 宣和堡渡河

入中衛城 閉閣 校士 巡蜘蛛渠閑邊 石

空道中 過塘壩橋 憩漢壩堡 將至邵綱堡

麗景園宴集用老杜樂遊園歌韻同遊者馬少卿管給事王侍御史鄭二總兵予

與江副總兵作主 侍大中丞聯峰翟公同赴張監鎮紅花

寺湖泛舟觀魚用杜老漢陂行韻 端午侍聯峰公開將士

騎射 大水 皮服姬 便涼 七夕 對月二

首 家使遣後意緒紛然走筆漫興以自堅勇退

之志 秋巡雜咏三十二首 脫衣亭偶成 疏

水 渡河 靈州道中卽事 江副總兵史叅將

合營曉送乘月趨清水營 憩毛卜刺堡 宿興

武營 過安定堡不入 將至花馬池王叅將郊



迎設食 挑塹督役 聯峰公將至小鹽池草地

取路參迎宿狼巴井 鐵柱謠 鐵柱泉堡賊之水頭弘治間據守後

以兵少棄之然此乃兩鹽池典武靈州定邊四通要害之地似不可惜增戍也 小鹽池營

偶成 營當賊西寇三秦之路至則寧靈環慶中斷為公私畏途舊設參將今革之并減戍兵或

遂欲併營於惠安堡以護鹽利而均驛程是亦一說未詳其是否也 郊遲聯峰公獨

坐道傍流移滿目惻然有作 懷臺西蔬圃 清

水篇 聞寧安堡被溺作清水河名濁之反也三同岔亦河名七星渠名紅寺堡名靈靈墩各

牛東梧憲副苗參將宅上秋賞月 同牛東梧苗

王二參將登邊墻東望作塞上曲五首 至定邊

營與諸將談邊事有作 牛東梧談定邊二異私

識二首 山現 定邊東十里雲日之朝曉氣恒結聚為城郭形樓櫓門堞宛然居人

呼為石寺 定邊東角嘗有黃白鼠出入沙穴見者掘之數尺得浮圖頂窳其下為石窠數

佛巍然其中今因其舊寺焉 鎮屬上雹災甚重秋稼大損 書

王參將西戎卽序卷 書王參將光裕勲階卷

九日同苗王二參將演武庭登高 奉侍晉溪公

閱視續挑壕塹 奉晉溪公命歸途閱塹至紅山

堡少憩 橫城北登眺遠老所築邊墻 奉侍晉

溪公冬巡雜咏四首 奉次周歷夏境嚴韻 紅

花寺前泛湖奉命作 亦用前 高臺寺謾成 黑山

謠 開視五岔新塹作 別大知已六十韻 有 奉晉溪公檄經

度賀蘭西塹 庚寅除夜

入夏錄卷中目錄

入夏錄

四



辛卯元日 誕日固原道中 山城候迎王給事

朱大巡謾成 桐溪亞卿書報述兒完娶 山城

由澗道趨饒陽 三山暫駐 憲副符命至書懷

過定邊次壁間韻 渡河入李祥堡喜見桃李

盛開 宿周澄堡困甚 至城命丁夫如東

路改隄為墻喜成重險 歸德水賀蘭山歸德谷

山即泱流沙底今引之為築城經過故楊副總兵

賢花園 相地至邵綱堡即去歲巡歷之日 修

邊宿唐壩堡有感用壁間韻 度地趨赤木口徧

探泉穴 赤木裏口墩下坐憩 王宏堡午憩用

壁間韻 晉溪公為更請官司邊計銓部不從聞

報 軍夫小譟撫而定之靜思自艾一首 望斗

清水營喜雨 次日毛卜刺堡再雨用前韻

花馬池得方侍御薦草過譽學行愧感一首 晉

溪公切責諸將築墻非宜復改為隄惋嘆自咎

端午王叅將以疾不能速客置酒託彭遊擊見過

是夕大雨霑足 花馬池散農 靈州棗有武人

靈武之臺壁間頗悲慨然味其辭多脂粉氣渡河

六言 責園丁 諭蝗 張常侍以歲星蟠桃園

索為作歌席間援筆應之 制檄至以暑停役

興武營答農夫問 渡河六言春來往返晉溪公

有示許便宜任為墻塹志喜 見農人王澄堡



過田州故城

即唐朔方軍也

精衛行

辟梟

花馬池行臺有鴟鵂巢而

夜鳴晉溪公惡之不居于檄後衛指揮楊釗移文城隍之神使逐之再至猶聞其聲乃責限申勅焉而令絕與王參將彭遊擊連日登朔方天塹臺

戒思

渡河時水勢甚盛漫述三首

計往返十二渡

張南

溪僉憲至石溝以予前大沙井道中韻賦詩三首

見寄因叠韻迓之 用前韻作二律迓王北澗少

參 壽羅母太孺人八表十韻

為果亭方伯作

復用前韻

答張南溪二首 復用前韻答王北澗二首 夏

夜臺中露坐

送江副總戎歸上谷

江名桓今賢將吾甚惜其

去奉侍方岡老先生巡水口號

曉迎方岡中丞

公歷彭遊擊王參將二營

鵲橋仙

七夕作

小重山

渡河喜聞北工就緒

時河東工猶未畢計往返十四渡

肩輿野

望用前韻 讀邸報有感

踏勘蝗災宿河西寨

廣武迎候晉溪公乘暇觀青銅峽宿牛頭山寺

二首 枕上聞鳥 過地涌塔院

渡河遇劉中

常侍攜酒殺來會戲作

計往返十六渡

賀蘭山下中秋雪

後見月呈晉溪公 過李王墳書慨 奉侍晉溪

公落成 關門次韻 奉侍晉溪公落成長城

關樓 方岡公為疏乞代得旨志喜 九日途次

登清水關城 渡河 計往返十八渡 赤木山下關視新塹

樂遊園歌

用杜韻此夏南郭外慶邸園也

趨定邊侯晉溪公途

次書見

役竣渡河

計往返二十渡

石涇

為郵延陸憲副作

別夏



賦

入夏錄卷下目錄

遊牛首山記 浮圖倒影測 朔方天塹東關門

記 朔方天塹北關門記 朔方天塹西關門記

奉壽柱國太宮保晉溪王老先生七十四華誕

詩序 送王將軍歸榆林序 西蜀贈言後序

附贈言目錄

送蓉川齊公之崇德序 送齊蓉川之崇德詩

送陝西按察使齊蓉川序 廉訪蓉川齊公像贊

夏鎮祠碑文 巡撫寧夏右僉都御史翟鵬疏

總制陝西三邊軍務太子太保兵部尚書王瓊

疏 巡按陝西監察御史朱觀疏 總制陝西三

邊軍務太子太保兵部尚書王瓊疏 巡按陝西

監察御史方 疏 巡撫寧夏右僉都御史胡東

臯疏 總制陝西三邊軍務太子太保兵部尚書

王瓊疏 巡撫寧夏右僉都御史胡東臯疏 巡

按河南監察御史王 疏



入夏錄卷上

桐城齊之鸞瑞卿著



曾孫山秋浦校

元孫九疇公贊

昶方升

來孫 永肇奕 全輯

得寧夏之報謾書二首

湖海餘踪汗省郎歸心無日不桐鄉  
壘書忽濫三秦臬  
宦轍寧辭萬里疆江樹望迷燕樹杳  
關雲行共楚雲長  
書生豈有籌邊策馬革聞風老氣揚

平生不分賀蘭山西賊憑高虎豹關  
趙宋智窮疆宇蹙  
范韓師老鬢毛斑聖朝朔漠塵無警  
邊弩南生力可彎



使節霜威烽火靜移文千載討逋姦

與陳棟塘郎中葉旗峰陸簣齋二主政同遊牛首

山詩

出安德門

女墻迴日曉氛高雲樹烟蘿帶石臯春遠尚聞鶯舌在  
花稀應念蝶魂勞野僧不語敲茶臼村女連歌擷澗毛  
千里關塵還極目登臨何地憶同袍

白雲方丈次陽明先生韻

松閣午濤生林棲白羽明江山浮世眼草木舊遊情澗  
石如牛飲村田似掌平老僧散禪寂入戶聽經聲

登牛首山

為愛城南第一山芙蓉重憩白雲間郊形右袒江湘圻

洞勢中虛日月閒天闕土花函晉寶相傳宋受晉禪  
建郊壇于此祇

園珠樹揭秦關蒼苔錦石高峰暮一笑悠然俯八寰

唐銀杏

老樹一院陰蒼皮剝錦苔切灰吹不盡白日纏風雷樹  
嘗

火被

浮圖影

空明迴靈光游氛盪高日幻影生浮圖倒射西檐隙

虎跑泉

石束滄江起古木銀床陰白沙明水底中有給孤金

白龜池



神龜太白精毛甲雪相似高巢玉井蓮不逐泥中曳

卓錫泉

不見高僧錫空餘石上泉微涓作霖雨徧灑下方天

憑虛閣

一名芙蓉閣

青天金芙蓉縹緲擁虛閣憑欄挾飛仙一笑山雲薄

兜率崖

高臺盤孤雲遠色俯諸嶺空中舍利光下燭丹砂井

辟支洞

捫蘿窺石穴煙雲啟宮秘何緣聲聞生乃落第二義

昭明池

鶴駕藤蘿外瀟然帝子臺當年飲馬池龍種渥洼來

巨人跡

踵息不可傳空印蒼苔石爲笑公孫生東對銜奇跡

將遊獻花崑雷雨大作

幽期已報獻花僧林潤朝回氣鬱蒸鳴雨翻空滄海立  
暗霆殷地黑蛟騰塵揮近隔禪牀定蟻泛灌圍繡佛燈  
但使農禾先入土明朝高閣更同登

遊獻花崖

過雨初憑竹樹涼崖居盡以北爲陽天開斗分山廻拱  
江東關形海混茫星裏小槎浮露電松間清楚引笙簧  
勝遊無那芒鞋劇欲問仙人借鳳皇

歸雲亭



草色苔痕半上衣海東涼雨散初暉幽崖故是雲生處  
謾道雲從天際歸

芙蓉閣

融公說法有高臺雪裏芙蓉並蒂開小閣獨憑青嶂曉  
空中花氣撲人來

太白泉

金精垂光燭丹岑化爲老人捉白衿青藜點地西江湧  
蛟龍夜泣愁太陰

宿星房

仙宇巢空萬木浮蘭楹桂檠竹窻幽青冥夜夜精靈聚  
前宿台階後斗牛

待月臺

空翠清宵濕布袍江鳴人靜石壇高持杯坐遲青天月  
萬里金波映海濤

伏虎洞

石洞何年虎聽經高僧定後樹冥冥芒鞋踏徧蒼苔繡  
一笑江風虛翠屏

拱北峰

岩下石角皆北向峰頭石勢儼執珪天地奠位君臣禮  
袍笏見爾首欲低

聳翠亭

立石峰頭生紫烟前與雙闕高齊肩清嘯凌風老鶴警



白雲滄海天悠然

小星槎

老父飲牛天漢清晚風吹客孤槎輕爲移織女支機石  
歸向山中莫不平

大觀堂

中天新霽敞山楹萬翠涵虛混太清雙眼乾坤塵想滅  
海雲江日席間生

送同年牛西唐太常致仕歸南陽

屈指同年幾漸遠如公行跡並瓌奇自精堯舜幽明課  
來總藝夔禮樂司台斗近聯蒼玉佩煙霞先乞石田芝  
南陽亦是秦關路應許龍岡一局碁

前太平歌送李寓山秋官赴召詣闕

名松字節夫

太平景象臣不知聊于秋官李子行卜之秋官起家固  
安令畿縣風清多善政徵入便合登台階留都粉署紆  
奇才正逢左右開湯網平反屢報矜青災昔歲戚雄潘  
壯爲御史上書言事忤天子有詔逮繫宮武獄牘吏搖  
手畏中旨秋官恐傷盛時美摧沮直氣執法恥釋之未  
減犯蹕金戴胄論寬校尉死獄成自詣御史臺願伏違  
詔歸去來精誠格天天爲回竟薄其罪何留猜南士謹  
聲騰萬雷乃今復以諫官召聖代用人真破調手持三  
尺能死守身爲諫官豈杜口君不見陽城救費遷司業  
石介咏賢禍終烈君以違拂受簡知千載廟謨獨英特



送君憶昔叨鎖闥豺狼當道狐假威涓埃莫報身已累  
舉足坎壈逢危機君今此行戴堯舜張膽明廷無係吝  
勿謂治平聊素尸賈生汲黯真吾師江風五月吹利涉  
長蛟驅鯨助擊楫持杯謾及邊隅事聖朝臣直頑自格  
靈州到日走馬索願聞李生入朝太平策

後太平歌贈陸弘齋廷平赴召詣闕名鰲

秋官既由執法召廷平復以有道行臺諫用人每如此  
天下安得不太平艤舟且勿發停鼓且勿伐滿引江上  
杯我歌詞清越詞清越江淼漫五月風絺沁雨寒薊門  
黃紙三千里白下衣冠望闕嘆陸賈詩書真國士誰其  
推轂良亦智始君講學陽明山櫟括知行朱陸間近來

傳得甘泉秘聞義必爲如轉圜詩文雖小技組繡無不  
好登君白玉堂始見潤熙皞門下殿中皆侍從得君爲  
之亦增重士須先識用明時入朝始効明時用堯天淨  
徹無片雲台階光潤連斗文爾來何爲太白復晝見蝗  
飛蔽天滿江濱君讀洪範知咎徵宜向明廷敷所聞惟  
皇致和銷稜氛其次莫若務薦賢君子滿朝福萬年平  
生識君非委瑣飛騰有神先告我予春嘗爲陸得佳夢臨岐莫怪  
語太頻爲君胸中增磊砢疆場微臣灑血誠翹首太平  
心如火

送同年林石厓寺丞陟大理少卿二十韻

憶附春官驥天衢美羽翰班隨蒼玉佩氣壓惠文冠墉



隼秋空靜臺烏夜月寒簡花霜作骨冰  
鑿鐵爲肝獨坐  
圖書府先登述作壇詞章推組繡桃李照門闌  
哲匠司  
陶冶神工起蟄蟠觸邪迴舊勁敷教體新寬  
精鑑窮淵  
石頽風滌垢癥南生方愜望北士復騰驪  
碧落三春雨  
黃金一粒丹師資環甸服聲望籍朝端  
故國瞻京洛清  
丞進理官還聞徐杜恕不學趙張殘  
岡鳳終巢閣達鴻  
豈漸磐刻卿叅大棘温詔燦回鸞  
郎署非顏駟關塵更  
賀蘭優容無短議愛惜有長嘆  
且憫登仙送何知行路  
難法星懸象魏聖德服呼韓

送同年吳北川學士赴修大明會典三十韻

自聞偕計吏英妙滯關繡健筆驚風雨  
雄詞薄誥謨才

名傾兩浙師席半三吳謾有遺珠嘆  
終看美玉沽南宮  
題姓字中秘繼膏腴入室還鉛槧  
傳衣更範模機宮移  
曲折匠契奪虛無汗血天開駿全  
枝苑樹烏青藜陪禁  
掖彤管叙唐虞司業成均貳諸生  
博約須陽城真善誘  
穎達舊醇儒麗澤漸函丈陶鈞散  
海隅皇輿初釋奠法  
從儼卿孤憲老龍垂袞鳴陽鳳在  
梧講筵臣獻納束帛  
主歡娛帝簡清華秩仙瀛白下趨  
出驟金駟裹入藉錦  
擢瑜潤色江山助精微溟滓俱南  
坻鐫古字東絹引新  
圖紙價千篇貴神工萬象殊石渠  
懸睿想銀榜照亨衢  
鷁泛徵書紫鵬盤賜服朱校讐披  
令典功德紀貞符憶  
昔叨清選茫然見大巫蓬麻空附  
類鵠鷁已分途瑣闥



心徒苦塵埃跡可吁賜環慚粉署沃暘近水壺忽作淒  
涼別難謀鄙恡驅君歸居內相我往備強■鈴索籌邊  
夜毋忘返賤軀

送朱華溪郎中考績入京

名方字良矩

青雲岐路問江津君北之燕我入秦彩鷁遡風瞻魏闕  
黃河出塞近崑崙功名後會身誰健慷慨當歌意自親  
館閣爲傳知己道書生不解怨邊塵

石頭城別諸僚友入舟

慷慨驅歌出舊京征帆初挂石頭城江山麗藻三春蹟  
金石交游萬里情聖代未增東勝戍天驕猶憚朔方兵  
邊儲使節非難事欲學終軍兩請纓

與述兒乘別舟至三山舟人醉而觸石覆焉倉卒

脫難感而有賦

三山近在吾几席舟人笑弄烟波碧長風鰲背片帆輕  
掌底微茫裏怪石狼牙暗觸聲劃然鷁彩無神舟辟易  
安流未解濡衣袂頃刻澌然百板折檣勢顛危柁力殫  
獨仗太阿縮泉脉斷蛟再起楚屈原檄鯨責問唐李白  
弱子號呼響入雲漁艇踉蹌旋脫厄龍宮釣取五經笥  
爲有明時濟川策餘裝聽爾自浮沉身存豈復長物惜  
請君勿憂黃河萬里從天來請君勿憂賀蘭山上悲笳  
哀丈夫平生四方志禍福遠近何常哉

和尚港登觀音閣二首



磴雲迴窅窕江閣俯微茫地瞰燃犀渚天閑跨海梁魚  
龍吹近浪鷗鶴浴斜陽欲就垂綸客同傾待月觴  
石疊青雲色湖吹碧海聲二江環抱起孤嶼混茫生福  
地棲僧梵神功翊帝京維舟榆日遠听憤鬱風清

夜聞隔江虎聲作洲虎行

天用神龍地用馬虎穴在山非在野咆哮靜夜江上洲  
水滾月白胡爲者豈因渴膠奔洪流饑逐孤豚過漁舍  
連荻青青續漲高歸路迷冥誰則假魚蝦瑣碎不可食  
畧獲兼虞泥沒蹀長空一嘯悲風來隔渚猶能飛屋瓦  
但恐虛聲賈實禍技窮豫且挺又下何不掉尾涉清波  
得到雲林卽瀟灑

將至兔河山莊

月權江聲遠雲莊巨壑長親朋迎共笑鬢髮白兼蒼不  
信歸田勸應憐出塞忙范半醒嘗勸子早歸共鍊金丹  
今重有疆場之命違風願矣

向平還擾擾誰復定行藏

龍山書院小集

白鶴西飛去不迴諸儒俎豆一堂開雲間禮樂埃氛卻  
市外溪山爽氣來故里尊彝真欲醉英賢項背苦相催  
何年築室高亭下經史羣疑得其裁

松蝗嘆

黃楊有閏槿有夕未聞松有歲時厄禾苦四蟲木百蠹  
未聞蟲能竭松液桐鄉民俗好種松大家小家山青葱



胡爲一旦蟲作巢緣枝食葉葉爲空蟲長二寸身有毛  
黃黑色雜饒如螻蠶食葉盡蛹歸繭繭蕃百子嗣老饕  
土人皆呼爲松蠶繭雖纏綿不可繰吾聞北方有蝗一  
種類此蟲食穀氣化南來豈其曹堅貞高大松最壽鍼  
鋒勁銛且細瘦蝗不食禾乃食此帝將寶穀爲民祐或  
言貞象有德高象位變異來應君子受天道深遠豈其  
然代民蒙殃爾何咎但使蒸黎歲飽食何惜萬山蒼翠  
爲薪樵嗚呼何惜萬山蒼翠爲薪樵

度桐溪橋

白石青溪度曉輿西風朔雁計程初微軀霄漢輕行路  
遠思親朋祝寄書蝗老松梢青復起鯨吹水面碧仍虛

鄉心忽亂題橋興何日歸懸駟馬車

光州簡孫德夫同年二首

藩臬飛騰久蘭焚事偶然檻車炎海上尉幕瘴江邊汝  
月秋三五關塵路幾千狂歌對君酌香細夜堂煙  
老去僉關臬逢君忽此州一尊汝水暮百感曲江遊直  
栢衝星立清河近月流含情臺上語露下濕吳鉤

飛蝗嘆

書西平縣臺屏

光霍新蝗如游蜂饑喙所至民田空汝蔡舊蝗類啗雀  
飽飛刺天勢彌惡久厭北穀恣老饕近切南禾如刈蒿  
舉家勤動克爾腹無怪曠野悲號吡旋遺種類何勞乳  
黑脊黃股號螭子春餉布地秋跳梁誰云冬雪能壓死



盤空穿市忽填積貫索纍纍厚盈尺捕瘞莫盡推使車  
田祖無神暗嗟泣吾聞天神尊者稱太乙遞治三才尸  
道疾胡爲盤氣獨傷農水旱四虫災匪一東方青龍澤  
穰稔代天降康雨天下毒霧腥雲胡少靳齏粉此蟲惠  
鰥寡西方白虎口呀呀習噬婁豬與艾豨陰風不爲行  
肅殺覩顏蜡食何心耶北方言武水之精漂殺人畜歲  
靡寧蝗飛渡淮且渡江何惜涓滴泪其生南方朱雀炳  
離兩烈澤赭山猶反掌弱羽翩翩畏日中赤口雖炎底  
無恙修途日擊衷隱憂咎徵洪範愷所求行臺客睡何  
曾著月裏空明烟飛落起吟掇拾書且嘆傳語姚崇細  
商推

書鄆城縣臺壁

是縣道中無蝗

長路淹炎日驅馳損壯心倦便雙栢坐幽伴數蛩吟嘉  
穀連河內飛蝗度汝陰經過見人樂亦足豁煩襟

望中嶽

峻極崧高古帝畿峰頭曾卓漢皇旂從官跡共祠官逝  
太室雲過少室飛四嶽雌雄差異服二儀炎朔獨同歸  
騰青躍翠鍾神秀生甫生申勢未稀

彭婆鎮謁范文正公祠

墓在萬安山下伊闕之內  
溪山風氣甚聚

行顧溪山意有奇停車果得拜公祠事偕後樂先憂往  
心與青天白日期萬古儀形瞻峻嶽一堂俎豆照清伊

公四子忠宣公  
兄弟皆配食

驅馳正屬西征地欲乞遺靈濟夏師



龍門龕

伊水出龍門疏鑿惟禹績溪滎滙澄潭雲斷劃絕壁泛  
舟巡南厓諸龕空翠滴遠疑民窰居近聽境寥閭黃冠  
一人來導我縱幽覲何年驅鬼工穴堅隱金狄刻畫開  
生面精微神儻侗頎然丈六身大小隨刳剔虛扣鉦鼓  
鳴響應未昭晰遂令愚資幻投禮伺考擊晉迷沿東都  
拓跋陷愈癖荒哉魏王泰孝誠空爾激不知文德賢坤  
美符帝錫天堂無則已有則必登歷何事石上災千古  
不可滌無乃託親名志祈潛奪敵欲爲生民主先被河  
神溺向使正儲位亦終貽唐感經行謾誅心期使來者  
惕

渡洛水

諸流滙三川早曠水初落虛舟閣听沙塞帷涉清洛風  
漪鑑光搖雲石錦紋錯五行萃靈源人文會聖作千載  
洪範疇吾道標根著書呈龜潛趺羽化人家廓誦言履  
真境耳目交渾噩何物女子愚身沒神茲託荒俗疑傳  
疑祛惑賴儒鐸七步才信雄賦成博寡約是爲言咎僭  
徒滋魏風薄安得騰逝波追洗淫辭惡

洛陽漫興

江抱河環嶽四方陰陽貢賦宅中央道尊阨塞雄天府  
德薄繁華餌戰場鼎問澤康姬未覆黨沉社鼠漢先亾  
北邙風起銅駝暝欲弔遺蹤去苦忙



過函谷新關

新安東偏山虎踞項羽詐坑降卒處平塗驅車入峽初  
先為韓有後秦據六國既平呂政驕此實谷口味增成  
漢復滅楚恃承平關仍秦舊非遠慮帝起樓船只尺書  
有家願作關中居竟以私財徙國險漢防從此鈞天如  
李唐內蹙五百里哥舒百萬嗟為魚門庭習坎予敵共  
何怪四鄰守備疎

會盟臺咏古

虎噬狼吞挾詐情澠池何異武關行合謀分蹈機憂辱

趙王西行將相聚謀固已憂其不返而以立太子為請  
矣則所謂不出邯鄲而秦固無如趙何者老生按圖膠  
柱之論不知當  
世之機變者也鼓瑟真關勢重輕仗劍風雲吹野水折

衝口舌賴書生相如惜不知音變擊缶中含殺伐聲

澠池道中

秋熱逢關盡織絳早吹涼蝗飛空日白禾死嶺雲黃

是歲

河南府部內蝗食禾殆盡  
方西成而流移已載道矣南路多流徙中原幾積倉三

秦糴更貴何計實邊防

張茅坐雨

魍虐蝗妖氛塞空直從汝霍到秦東霑衣晚坐千山雨  
岍嶺秋禁萬里風黍穀大侵成野哭豆蕎小獲盼神功  
憂時未遣持杯興白鳥翻飛谷樹中

函谷舊關懷古

重關百二稟誰何不獨嗜秦近勢多太華右臨迎紫氣



中條左顧帶黃河鷄鳴隱約車爭軌虎視逡巡敵倒戈  
忽憶婁生天府說十傳心腹已沉疴

稠桑道中望黃河

桃林蟠土山谷入昧所出地底無傷風天際有中日仰  
視耕穫人轉折忽相失爰登蟻綠枝幽盤蠹閉帙僕夫  
虞殞傷反汗更股粟子將慕王尊馭吏屢遭叱徑盡躡  
河壩黃流過箭疾踰關勢彌雄四囓奔馬逸不知真宰  
意何貴砥柱室汜濫民其魚豈止桑田溢三門中古開  
神禹功誰匹至今沮洳場盡作粳稻窟子生髮半蒼世  
路十不一及茲瞻華嵩眼豁心神穢太史嗜南遊吾當  
分北軼山川助英華奚必恒近密向來險遠憂茲晨蕩

已悉

出關用邃菴先生韻

湖海萍踪近始還又持憲節過潼關臣心若爽如河水  
君德難名仰華山九折路難牢著脚五經竒好靜娛顏  
三秦地廣多形勝天與南生恣遠攀

登太華山二首

顯氣高浮白帝尊徊翔勢欲遡崑崙西郊雲斷仙人掌  
東井星疎玉女盆烏到半空秦樹秃猿愁絕嶺漢祠昏  
蝗氛滿目車箱谷民瘼應通箭筈門

時見蝗滿山谷而不能出豈岳神惡

其爲民害而碑之乎末故云

雲臺整屐玉泉過積翠層霄引石蘿興軼蒼龍穿紫氣



手持白羽上青柯三千里外籠飛練十八盤頭逼帝窩  
鐵鎖半攀懸日月下方雷雨暝陰多

驪山四絕

溫泉

陰火幽岩煮玉泉天香羯穢滌千年金鳧寶雁都飛盡  
謾說長纓賜浴偏

始皇墓

三泉已錮鮑魚枯四海驪山歲送徒牧火燎原機械盡  
祖龍空作萬年圖

戲亭

童妾宮竈禍本奇萬烽一笑旬侯癡驪山老父悲前事

咏罷關雎咏黍離

鴻門

納諫忘猜息忿兵將軍資性亦英明尊前舞劍空奇計  
擲地還聞玉斗聲

長安中秋對月十韻

昭洗浸淫霽驅除滓穢收色添今夜月光動客檐秋大  
地河山混遙天隱伏愁兔毫疎可把蟾魄晃難求桂蔭  
涵星彩金波漾漢流輪移黃道迴鑑定紫煙浮照膽清  
詩興傷神積酒籌爽分風竹細潤益露花幽陵曲侵韋  
杜關山帶漢周姮娥千古恨素髮底須羞

久雨新霽登秦城鐘樓



夜窻鳴雨近華鏗畫淨層樓眺野耕山色半城涼翠人  
樹聲萬井午陰生杜陵韋曲天俱遠漢殿秦宮水自滎  
薊北江南飛鴈裏孤雲關塞不勝情

同姚拙庵憲長張心齋副使盧藍山僉事遊小雁

塔是日雨阻不能至曲江

南山秋氣翠巒岼野思淒淒碧殿寒塔隱佛燈無雁宿  
樹知僧臘有龍蟠霓旌古苑悲金盃霜節清尊洗玉盤  
十里曲江遊興盡夕陽風雨幾歸鞍

送成遂齋方伯陟太常卿入京

聖主垂情衆正班仙塵未許一方攀雷霆摧折思持斧  
雨露飛騰荷賜環夙抱喜諧棲北斗高秋愴別見南山

台階聽說頻虛位知以清鄉借路還

同許義菴憲副遊大雁塔

清池古苑曲江名小隊隨僧指點行雁塔不留春榜墨

慈恩難果渭陽情

寺名慈恩高宗爲文德皇后所建功果而不能庇其舅氏何耶

水晶

宮殿傷灰燼素黛嬋娟冷棘荆獨笑拾遺多酒債春衣  
典盡句還成

過乾陵

嫌名當日濫無辜巾櫛深宮隱禍樞司馬頓兵留國賊  
乾陵含恨納珠襦村兒晝牧驚潛兔山鬼宵行嘯葉狐  
大恥元兇雙石裏夕陽周道一長吁

永壽道中

自西安至此地漸高矣



客路郵程尚計千塵勞習慣亦安然穆陵關東邊書馬  
大清溪蒸塢樹煙穴土居人工曲突梯山穀壤學平田  
征衫怪底晨風急身入金天斗漸懸

邠州曉發二首

殘月征人早州城奧窔間呼船渡涇水立馬望幽山禾  
黍高低瓏煙雲遠近關誰能渠白石種稻濁泥灣  
涇北山橫絕穿崖細路高偏懸疑有麓峻極乃平臯嶺  
露催禾秉溪風颯苧袍憂勤見遺俗無地立蓬蒿

午發政平二首

政平城北寺幽意俯丹梯驛道廻前嶺涇流下別溪惜  
哉無草木空爾壘雲霓秀聚非吾土征途莫浪躋

倦翼邠寧路秋陽午正驕頻揮南羽扇一淨北煩歎嶺  
樹浮天曠雲鴻接塞遙多情花帶角三錫腐儒腰

寧州曉發

燈火啟嚴城戴星行未已夜來下絕坂左右崇墉倚昏  
黑迷前旌時顧斗杓指晨鷄登頓初險澁曙光紫林原  
衍山巔溪徑行地裏陂陀首乾龍浮立土不滓所以穴  
居民患燥不患水改邑視井泉卑棲固其理耕者百仞  
上汲者千尋底下山阻深溝上山據高壘四鄰守無虞  
塞馬徒爲駛民貧獨可憂咸秦此唇齒

慶陽卽事

北窗風氣佳地險兼天起依山羅雉堞萬戶安枕裏東



委沙漠流西遡環河水兩川併南淙溪嶺互激詭不窟  
神明餘草昧固有以獨詫泉源懸井甃不居市城中皆  
谷汲疑非經變理或言郡治東鵝池昧經始慶曆加疏  
浚宮澤隱河涘窈黑近龍宮緩急公私倚則知濟物心  
往智實相邇石眼貫少陰誰當踵前美兩池竇清澗分  
甘徧生齒斯言非謬悠羸瓶弱者死

謁范韓祠

拓跋餘兇勢更張二公相望屹金湯一堂俎豆瞻遺像  
萬古河山識巨防賈策清時薪抱火虞淵昏夜日重光  
秋陰晝轉空塔樹恨入邊烽照朔方二公人品既高邊  
壽亦偉而天章之  
對英廟之立事尤殊絕獨元昊凶悖不能收混一之功  
英雄處數窘智東之會千古共陳倉之遺恨豈非天哉

靈祐驛次毛東塘韻

江路盤山轉頽垣此驛亭寨雲風外白畦菽露中青鳥  
雀無歸樹驛驢不在垆誰教心匪石自信跡如萍

曲子里驛次郭雨山韻

潭濺征車滂塵斑旅鬢晴環江百里濁塞路幾時清驛  
樹搖星彩更籌靜市聲嬌兒恐惰學秋夢獨關情

過本鉢城

志作木波

本鉢荒山道黃雲翳碧空冬寒無宿麥歲險仰枯蓬

土人

連年不稔皆取蓬子克食

皮服■氣窳居嗇陋風剛腸非憚遠情

境黯然中

靈武臺

子瞻壁間之作有過罪肅宗者故爲解之



唐皇推心■腹封豕長蛇非我族漁陽鼙鼓破竹來  
猛將當關六師覆鸞輿倉卒幸西南馬少不能借骨肉  
當時豈暇計大勢成都僻遠難興復天子若循扈蹕恭  
世事一去如轉燭天意人心繫北轅權宜勸進宗社福  
裴冕寶冊亦徐至父位子有何嫌惡竟用李郭收兩京  
上皇尊貴旋黃屋獨恨表裏妬濟姦大孝致譏倫理瀆  
靈武臺高幾仞環江雲擁烏崙峻唐家再造此深機誰  
云篡竊非其正君不見房瑄于時建策長詔使諸王領  
節鎮祿山把詔長太息從此四方知響應靈武臺高幾  
仞黃袍加身勝溫清懸合瑄謀迓唐命

清平驛坐雨

紅城真出塞且勿憶江干曙雨飄沙急秋風捲地寒微  
巡連戰格旅道庇征鞍制閫籌元老能令聖慮寬  
是夜燈下聞雁口號  
底事嗷嗷向夜飛避寒還慕稻梁肥深閨好爲催刀尺  
塞北征夫望寄衣

山城漫興

■對午庖苦水汲荒郊候館趨戎吏烽烟接■巢追  
風騰驥足明月滿弓梢結束從邊塞吾生豈繫匏

將至萌城

西風朔馬陟重岡戍鼓屯笳接大荒池涸四時烹窖水  
天傾八月肅溪霜塵埃宦拙干旌遠墳典功疎日月忙



塞北江南差可喜，賀蘭雲外疊青蒼。

秋雪行 小鹽池作

九月三日平山墩大荒決滌行，  
旅奔陰風怒號西北至。  
同雲四布天晝昏，半空飛沙雜  
霾土。旌旗慘澹吹涼雨，  
前入碛河作霰零。硝牙嵯嵯  
霰縷縷，只尺鹽池勢轉盛。  
水花玉塵兩清淨，瓊瑤雖好  
稀絀單。長纓欲結指生硬，  
憶昔官近蓬萊闕。菊時曾踏  
燕山白，十年江海鬢蕭騷。  
此日窟邊更秋雪。

過石溝

高岡初履石劍戟，刺荒沙地險不足。  
塞路難空摧車

四句

信意道出却似  
為張北山發

清渠馬吻愜遠樹，雁行斜共指賀蘭近。

翠屏浮紫霞

將至靈州

復入人煙境，村墟鷄犬聞。  
沙黃偏映日，樹綠正連雲。  
古道流河潤，高嵐壓塞氛。  
服箱轅下，符東餉馬池軍。

入夏城

髀消萬里興闌珊，且以并州託賀蘭。  
城日未寒旗北影，塞風初緊雁南翰。  
偏懸偽略河山負，混一皇圖雨露寬。  
使節本兼休養，寄兒童竹馬拜征鞍。

到鎮三日即出，按部沙井道中即事二首

三月驅馳到朔方，席猶未煖使旌忙。  
日催戍鼓聲初起，霜壓沙蘭氣自芳。  
廩食欲分蓬食味，客兵須借主兵糧。



蕭蕭萬馬西風外何處青山綠草長  
禾田南盡見民窮白積黃沙一望中戰馬未歸飛粟輓  
征鴻雖去缺書筒斷蓬脫實翻風枯旱木無名映日叢  
寒暑載雁淹使節侵星何敢惜微躬

韋州月夜望螺山有作

缺月秋山顯氣高霜清石皴翠生濤溪通澗谷方逢水  
地近鹽硝半不毛塞馬幾年空野屋王宮萬木俯荒壕  
何當聽續韓公策歲省千軍轉運勞

峽口

生犀飲河欲北渡海月忽來首東顧馮彝舉手揮神鞭  
鐵角半摧河上路至今夜有水泣聲罔象歛歛鬼姦露

土人作渠灌稻田宮靈委順不敢怒土人呼山為卧牛故云

花馬池初謁晉溪公出述事

藩籬不固苦紛拏歲歲王師嘆靡家河壤右腴淪朔漠  
雍鹽天寶委泥沙韓公莫憚錙銖費李牧先從要害遮

誰為廟謨祛首鼠三秦千里樂桑麻制帥晉溪公欲循遠菴公遺策改築

橫城以東至榆林邊墻增高培薄置警設戍永閔中外  
又力持獨見率兵親守花馬池以斷入寇之路皆籌邊  
要筭也花馬池之守公則能自為之矣但築城一事議  
者難之予嘗略為經費其始末每歲請出內帑銀十餘  
萬兩命守臣戍卒築之計三年用銀三十萬兩而其役  
即斷手矣此秦人百世之利也一勞暫費君子能無息  
壤之意乎

立春

土牛初駕勾芒春謬寄屯政孤皇仁金城方略趙克國



七月憂勤周北幽綺樹千花過眼好綵繡百戲盈庭新  
青絲白玉不成醉弱柳疎梅堪贈人

除夜

不共椒盤浪作娛殊方清酌一燈俱五千去路多新夢  
六八逢春只故吾龍亢祇愁冬雪少天旋何慮客星孤  
不知寒谷人吹律早得陽和一刻無

庚寅元日試筆用立春除夜二韻

霜臺烏雀忽鳴春病骨真私造化仁萬里血誠干斧鑕  
時有芻蕘之見幾時歸旆指寧幽簿書冗負河山勝齒

上獻并乞休

髮愁隨草木新爲有寸心灰不盡功名細數汗青人

萬井春聲徹曉娛堯天瞻拜吏人俱時有足疾不能隨班行禮間憐

去翼難隨汝只有遺經不負吾霄漢功名長自後江鄉  
兒女爲誰孤東風閭闔陳情疏乞得歸山雨露無

送楊中舍冊封回京

舍人承家居近侍莊敏元孫父學士十年不見鬚眉蒼  
官自薇垣遷棘寺地分清切才且賢簡記三爲封拜使  
觀風一採鵲巢詩剖符再捧河山誓邑弩塵驅紫塞雲  
關繻冊隱黃金字道傍父老皆嘆息桑梓駢闐候文駟  
濁河東去君西來賀蘭雪後春初翠緇衣適館曾幾時  
涼冰忽解迎津吏南薰門外驪歌聲白馬欲逝無維繫  
禁掖竹梧陰始交天連舊雨相思地

春巡雜咏十五首



小鹽池驛書懷二首用前韻

邊籌克展道非窮無奈春愁客望中江遠夢寒池草榻  
雪淡天隔隴梅筒健忘在魄燈前卷耽勝新裁旅次叢  
鄉路亦能馳我馬并州何意戀微躬

飲啄微生信有方一官四奏底須忙

銓部凡四擬子江  
僉憲最後得夏

東擊楫鱸初美塞北懷人草又芳寇壓河壩增斥堠書  
從天闕借芻糧客窓三尺春分雪喜祝青青二麥長

豫望城獨酌

千里尚書期渡河結南轍蕭關成返閉黑水得源穴土  
山不送青飛靈氣寒絕未開春分花且作清明雪下馬  
豫望城臺日淑可悅蘆酒傾邊味感嘆肺肝熱頽然入

尺身苦慕殉名烈驅車荒微雲汗顏古豪傑指揮鐵如  
意欲擊唾壺缺

將至威武堡三首

候物催屯種肩輿歷塞塵水滎三岔曉渠動七星春花  
氣酣歌鳥荆叢翳闢鶉麥畦青未了路有告饑人  
鹵泛春畦白陽回臘麥青山形戎夏共渠利漢唐經燕  
早花前乳鶯遲雨後聽客心淹冉冉江樹望冥冥  
朔氣疑長閉春淡始見花山青橫鳥道日白開蜂衙土  
屋耕夫墅雲烽戰士家褰帷把殘籍不記在天涯

入寧安堡

河曲當年夏九州屯田春日擁鳴騶羚羊潤挾郊禾起



米鉢青攢漠樹浮藥餌有情雙眼健脂韋無智二毛羞  
花飄萬點風光急語燕歌鶯喚客愁

宣和堡渡河

春漲河初急孤軍待曉天健兒工使馬脩岍怯迴船革  
泛傳驕馬魚噉亂巨川莫憑衣帶水千古壑危邊

入中衛城

右臂伸西極寧靈近勢聯沙山橫絕塞河水上腴田草  
木江南色旃裘嶺外煙壯心驅倦足乘郭思翩翩

閉閣

閉閣休春困虛明象外潛花迷蜂撲席絮入雀窺簾獷  
悍河山異流移賦稅兼因風貞憲度時用惠行嚴

校士

平驅藝戰張吾軍臺鎖諸生坐日曛千里漠荒回異俗  
百年聲教浹同文蝸鳴螽躍天誰定山峙川流物自欣  
老去獵心還內動金砂入眼等閒分

巡蜘蛛渠閱邊

樹紅都盡鳥群呼塞草新茸接舊蕪西望瑤池停駮駟  
東思禹績上蜘蛛垣墉表壤虛堅壁將士何年實  
寒薄春衫欺酒力沙場風雨急前驅

石空道中

區脫石空西雲山歷指掌真宰意莫識置此甌脫壤域  
潛毒浸淫鴟張塵決漭千古塞垣下何由樂生長良田



失桑林榛菅被河廣堡廬絕煙火宿莽頽垣敞鎮東  
一舍畏塗轉疊嶂嶄絕鐵不如輕騎恣來往哀彼乘障  
人刁斗爲誰響炊蓬代黍食忍饑鄰罔兩短衣不被體  
旦夕春冰上予生功名薄萬里掉孤鞅舉鳴和無朋日  
念歸吾黨天高芻蕘微敢祈契清賞安得近有力爲爾  
陳慨慷

過塘壩橋

抱日長虹吸大川萬雷聲撼小城懸禹功振古流民利  
河伯支渠兩塞田斥鹵春歸初秀麥庖廚午薦更烹鮮  
塞帷四顧邊塵淨布德除苛繼昔賢

憇漢壩堡

桔槔並載兩龍馳雷電無聲霖霖滋菽粟秋原同水火  
隄防春漲隔生天立地神功是漢傑唐英姓字誰  
遺愛邊庭空仰止夕陽乾鵲古槐枝二壩利澤甚偉志以爲元董文用所  
開然渠名漢延唐來又曰漢伯則必有始之者矣而泯沒不傳良可慨也

將至邵綱堡

陳俊何人復邵綱邊城鼓角尚相望不知北鄙旌旗色  
誰假南生道路光飲馬忽驚畦水亂尋花正憶藥欄芳  
九天消息傳來別病愧無能答聖皇聞乞歸之疏已寢

麗景園宴集

用老杜樂遊園歌韵同遊者馬少卿管給事王侍御史鄭二總兵子與江

副總兵作主

兔園雨晴氣蕭爽花銷燕寢蓬蒿長金勒繡旗小輦迷



昔日鄒枚誰抵掌地偏春來鮮簪盍空翠交裾愜心賞  
夏木涼生壯士卮午鶯嬌動元戎仗投壺奕棋興跌蕩  
多筭飲賓互標榜西渠流水入東池青草無魚饑鷺上  
返照登臺四望時河山萬里使人悲悲來欲跨青田鶴  
歸聽江鄉白苧辭丈夫行藏貴磊落此意非爲兒女慈  
樂天不獨浮各地勿咏窮郊有礙詩

侍大中丞聯峰翟公同赴張監鎮紅花寺湖泛舟

觀魚 用老杜漢陂行韻

行舟塞北一大奇鳥況有澤魚有陂鱗拋網面白玉尺  
殼探葦底青琉璃膾飛卵剝金盤入禽母護巢亂呼集  
安知赤鯉非龍兒老蛟應恐餘波及庖人務豐志莫測

鸞刀互鳴几重拭天吳驅鯨助割鮮濁浪猛風天晝黑  
吾人興在水與山奚事杯盤鼓吹間公命覆鮮罷罟釣  
潛吟翔舞聲關關和平協樂樂貫珠洛璫漢佩群仙趨  
西日旌旗急歸權賀蘭曉翠浮虛無萍踪樂罷悲感至  
萬里從公故人意王陽將奈貢禹何莫怪尊前舊恨多  
端午侍聯峰公閱將士騎射

軍門午日看札柳此戲傳來應未久都城六邊方盛行  
楚粵三吳未前有往年競渡誇水嬉撇漩捎漬舟側走  
及茲馬上覩天巧神鬼行空遺踐蹂朔方健兒好身手  
沙苑攻駒半龍友登壇令罷鉦鼓鳴生獰肯伏調良後  
就中神俊絕可憐技癢四蹄始驤首翩然兩轡亦長物



出有人無惟意受鵬盤猿挂又夔伸轉足跳身運無肘  
電搖赤日雲本閒風起青蘋虎先吼奇窮妙盡不相下  
趙王鼓瑟秦王缶朱旗再閃壯士呼旋馬彎弓倏分耦  
馳道東西金作候小者如盤大如斗向來儼捷金或不  
一金數自有奇偶百步控弦何雄赳得者氣勝失者負  
貧士斷金飽數口不得之家紛內咎公將持此激責黜  
不獨爲歡勸杯酒會看守固攻則取勒石燕然垂不朽

大水

塞外煩苦旱蔓草無宿根方欣入夏雨澤物回荒藜二  
麥秀以實嘉穗連三秦行野慶豐穰足食蘇兵民如何  
六月交滂沱驟連旬崑崙泉源漲積石茫無津青銅漾  
賀蘭龍舞雲雷屯夏城環一壑孤舟濁河濱浮楂擁漂  
畜壓溺悲生人豆甲禾生耳掉尾飽游鱗天高地愛寶  
誰當憂饑貧日車重陰內蒼生望爾神

皮服嫗

老嫗髮始艾謀卒偕以來問之何皮服泣云賊中回嫗  
兒鮮兄弟嫗婦初字孩嫗家平羌堡隨兒耕山隈屯田  
五十畝早久生蒿萊今年雨澤勻麥實被根芟五月趣  
刈獲官稅恐見催忽報賊西入烽煙雜黃埃旋云救東  
至鐵騎轟迅雷以茲不復走柴門眼恢恢誰謂賊無憚  
對陣掠人財我軍退自保堅壁城不開賊東不越渠渠  
西家被災破戶殺我兒長革繫婦顛驅婦鞭牛羊孫懼



哭聲哀最後縛得姬馬首行崔嵬追兵無影響來應靜  
街枚明月千山籟酸風萬竈灰譁言不可解狼心乃多  
猜褫剝漢衣禪皮毳授詭裁賊悅婦美色防守雉在罍  
吞聲妹少群華語顏瓊瑰姬別與姬類並繫囚莠苔解  
繫夜奔逸忍饑愬憲臺永訣兒婦孫生死兩悲哉聞罷  
書成篇以告衛霍才

便涼

病軀挾煩襟夏每困炎煜邊城快人意清涼浹三伏廣  
庭日逍遙何用臨風竹夜窻燈火淡几案無留牘獨有  
尊鱸情時然火內鬱安得縮地方西食東家宿

七夕

涼月初弦挂賀蘭天孫怯渡鵲橋寒蛛絲謾綴人間巧  
河上牛郎衣服單

對月二首

獨有江東月隨予塞北來金波秋漾宇玉兔夜窺臺朗  
照非窟伏浮雲浪見猜一辭葍味美兩失桂花開  
紫塞光初冷丹心苦更傷明垂秋沆瀣暗濕客衣裳鏡  
破水容亂輪斜樹影長姮娥笑簪桂斂袖避吳剛

家使遣後意緒紛然走筆謾興以自堅勇退之志  
書成秋繫雁南歸雙眼河山興欲飛實以病軀來絕域  
遂令壯志厭塵機水邊竹徑時時掃江上鱸魚歲歲肥  
更數瓜期望遷轉高風吹破芰荷衣



秋巡雜咏三十二首

脫衣亭偶成

昔賢今彥共丹青  
祠枕紅花應法星  
入室靜聽人暗語  
瓣香先拜賈中丞

紅花渠名

疏水

我行大和場夏人嗟其魚  
良田黃雲穗半菽泥塗餘卑  
高百里異旱潦患亦殊  
苦旱但失稔苦潦獨愁予  
此地古異域蓄洩隄防疎  
夾城渠北走城闈仰視渠  
所以田間水一滿不復除  
陰洞漢延底旋開卒填淤  
吾恐浸淫災匪獨傷菑  
畝唐來苟為難晉陽戒  
前車渠委湖咽喉河腹  
渠尾閘斯理本明甚慮  
始胡多愚十利易一病  
敢

茲爽避趨青青水上禾  
落落哇邊蔬當令旬日  
內民物

出洳沮

漢延唐來之間積潦不除歲敗民田穀張中丞嘗開洞門於漢延渠底洩之東行其費不貲而功卒無成今自諸湖決而放之入新渠以入黃河其勢甚順子因請於聯峰公斷而行之

渡河

塞北河舟制亦與江舟同  
刺弄如移山帆楫事未工  
須明濟川理乃有致貨功  
偏頭粟西轉靈武漕更東  
受降固可守東勝豈病攻  
奈何千里套棄之沙磧中  
三秦桑麻地百年困卽戎  
吾欲挽河水淬礪武庫鋒  
驅敵過陰山遡游據蛟龍  
直令張騫槎崑崙天漢通

靈州道中卽事

赤土青青草樹新  
河壩夜雨淨車塵  
唐皇雪恥除兇地



聖代因葵用夏仁靈州上漢雜居屯吏勸耕蘇漠瘠村氓擊鼓  
賽田神鎮城回首罕成滂生事差池憾大鈞

江副總兵史參將合營曉送乘月趨清水營

月華平漾大荒沙並轡新涼未曙鴉星動龍蛇飛漢將  
吹連鉦鼓壓邊笳衝鵬海宇猶驚鏑蹴兔蓬蒿不用且  
萬馬嘶鳴思清冰隔川紅遍野葱花沙葱紅花者中蔬食白花者不中食也

### 憩毛卜刺堡

長城裊塞路纖纖百室孤營日戒嚴問譯始諳毛卜刺  
驅車今役夏銀鹽烽煙遠接初秋警鞍馬勞便小憩淹  
燠曠喜因屯政道窮荒入穀慶閭閻

### 宿興武營

禾麻翳塞半青郊睥睨東虞套賊巢地廣非關君令德  
險移獨念我同胞唐藩自嘆三城雁宋恥誰鳴五國朔  
刁斗秋聲孤戍永昂寒無色黯雲交

### 過安定堡不入

塞上塵勞久自便追風驟裏錦鞍韉防秋鼓角孤城裏  
轉粟車箱大道邊沙磧蓬蒿青匝套鹽池潦水碧生煙  
午陰締絡增寒吹似比寧靈倍颯然

### 將至花馬池王參將郊迎設食

岡嵐迴合日光斜毳幕金罍坐剝瓜蔬徑潤含終伏雨  
禾田青覆去年沙王庭北徙邊烽少賓雁南飛朔氣加



驛使只今勞戰馬兩池愁聽損鹽花大小池鹽利分給寧夏榆林甘肅三邊買馬

### 挑塹督役

畚鍤如雲集五丁老成設險壯邊形地分狗馬鹽甘苦

嶺飼牛羊牧睡醒晉溪公奏自花馬池至定遠挑塹界護鹽利而通商買狗池以鹽苦損

之塹外然塹成而邊人耕牧賴焉則又不特鹽利之資而已城汲百筒朝繼繼野炊

萬竈夜星星針氈兩月風霜念計為蒼生博承寧

聯峰公將至小鹽池草地取路參迎宿狼巴井

中丞問俗靈州路瞻望清塵草徑斜鞞琫看山詢鐵柱

繩牀掃地宿狼巴月遲坐假星為燭雲起眠愁雨打沙

上冷露寒刁斗急漠荒辛苦念兵家

### 鐵柱謠

鐵柱泉堡賊之水頭弘治間據守後以兵少棄之然此乃兩鹽池與武靈州定邊四通要害之地以不可惜增戍也

套賊西來兩池裏草積微茫二百里賊中苦涸敬宮靈

入驅趨利先趨水野狐倉官不盈勺狼巴臭泥滲沙滓

漢兒被掠為鄉導鐵柱百泉指甘美人炊馬飲恣所如

奔突年年鈔邊鄙泉歸我泉陵涓滴不遺賊渴死

何惜千兵實棄營擇耕肥沃結高壘

### 小鹽池營偶成

營當賊西寇三秦之路至則寧靈環慶中斷為公私畏途舊設參將今革之并減戍兵或遂欲併營於惠安堡以護鹽利而均驛程是亦一說未詳其是也

新營罷守將邊吹搖孤戍雨自石溝來鳥向惠安去干



城據水頭非獨慮韋州兵滅營歸堡今議或可求

郊遲聯峰公獨坐道傍流移滿目惻然有作

路闕遲高軒行人未息肩南徙一何衆老穉相攀牽乃  
信夏境水愁恨滿田里離鄉豈人情勿咎關譏弛

懷臺西蔬圃

河渠繞夏市暗通圃中畦小池樹陰底晚憩恒鷄栖清  
月照天末涼颼生檻西林禽下初露未拾棗與梨蕭然  
舊花徑如含故主悽牡丹春不開紅藥委芳蕙蜀葵一  
何盛獨艷眾蔬低蔓摘有新瓜瓠蓄餘陳藿朗吟清夜  
酌高視耐久稽竭來忽浹月念若桐南溪肥茁與甘實  
滿腹恣臺奚歸應涉蕭索感嘆桃李蹊

清水篇

聞寧安堡被溺作清水河名濁之反也三岔亦河名七星渠名紅寺堡名靈

靈墩名

南山霖潦積清水直北走渾渾騰逝波一石泥數斗橫

截七星來代河灌東畝濬淤歲千夫旁役民毒厚盛怒

决三岔水患寧安受靈靈詢廢渠開自李王手

土人呼偽夏為

李遠沃紅寺田更居七星右首為茲水斷遭利今莫守

嘗令窮上游求入大河口巡舊西導之孤城庶可有廢

渠藉復疏募民耕宿莽十利易一害功成福永久武吏

昧遠圖虛文乃吾負果聞茫洋災陷城没戶牖居人結

筏出涕洟巢培塿嗚呼蒼生病何異魚在罟擗標秋夜

長莫贖躬自咎



同牛東梧憲副苗叅將會王叅將宅上秋賞月  
秋階聚客掃莓苔佳節清輝海上來輪正漸看西土顯  
鏡完不受朔雲猜青霄露冷飄香桂黃道風迴颯上台  
坐淨塵氛尊俎暮雅懷開盡更淡杯

同牛東梧苗王二叅將登邊墻東望作塞上曲

五首

漢家河套方千里察罕忻都土肥美邊墻東去如玦虧

黃雲蔽日大沙子

聞定邊東數里沙磧不可城河套即元察罕腦兒路其中堡塞城郭猶存

大沙子連二沙子黃沙無風接天起石白孤雲哨健兒  
狂呼飲馬就甘水

甘水是泉苦水鹽故池堆白風纖纖健兒笑載鹽山去

境上官軍自戒嚴

花馬舊池今在長城外土人謂其有鹽山之異

戒嚴烽燧日夕傳柳楊一壘尤孤懸邊人說戰渾閒事

輦穀筐葵薄暮天

暮天東目望榆林瘠土蕪沙歲大侵會須直取河爲界  
耕牧樵蕪沃壤淡

至定邊營與諸將談邊事有作

蒙恬北築傍蕭關司馬邊防亦阻山鹽產兩池秦利遠  
河連西夏漢疆閒風驅須盡兔三窟管見休談豹一斑

東勝我家真故物英雄私恨廟謨慳

說者謂秦長城故址在上郡北地我

朝余司馬子俊經略榆林以西亦因山爲險而已遂欲內縮而謂今長城爲冗長物不知自漢以前夏州非中國有故可自畫今則渡河而鎮全夏設險以利鹽池徙榆林以固延緩其要害當何在也自西賊入套紛紛多



事後患殆不可言成化間總兵官張泰議欲復東勝城  
河孺渠省鬼耕套壤誠中國萬全之利而為議者沮之  
今則套賊日強為力難矣獨有  
增城設壑自固之策為可行也

### 牛東梧談定邊二異私識二首

山現

定邊東十里雲日之朝曉氣恒結聚為城郭形樓櫓門堞宛然居人呼為山現

溪山蘊真盤蒼蔚非霧非煙結靈氣方隅城郭曠野開  
樓堞旌干形髣髴東梧憲使言有徵山現海市冲和凝  
三秦拒防此要害會分重閫誅憑陵

石寺

定邊東角嘗有黃白鼠出入沙穴見者掘之數尺得浮圖頂窳其下為石窰數佛巍然其中今因其舊寺焉

浮沙聚散陵谷遷土木塊然千載全幻鼠導開浮圖窟  
衆生地底瞻諸天金人出現鼠却走富媪佞佛更誰咎

陶復沉沉香火淡邊氓望門首重叩

鎮屬上雹災甚重秋稼大損

霖潦初收又雹災寧靈民物重堪哀黃雲隴畝棲禾結  
白露流移泣草萊米石千錢商早販耕人十食戍頻來  
榆林徑歲前車近抱病愁無濟急才

書王叅將西戎卽叙卷

邊臣貪墨番始變不令大創終革面穿楊命矢王將軍  
殺聲洮岷如震電諸族稽顙雙淚泫願貢西產重入見  
行茶鬻馬罷爭戰四方之守在得人將軍東來番復煽  
書王叅將光裕勲階卷

將軍力戰賓倔強番族稱為王鐵槍捷書入報天子喜



官都二品承寵光已分西閩清西疆更提三尺來朔方  
卽今套賊紛跳梁請入虎穴縛虎子肘繫金印封侯王

九日同苗王二叅將演武庭登高

庭高演武颯遐荒金鼓聲催博塞塲風落馬池鹽積白  
草枯狼井菊標黃彎弓莫射南賓羽繫帛誰傳北斷腸  
只有聖恩應補報滿懷鄉思滯秋陽

奉侍晉溪公閱視續挑壕塹

尚書欲省戍邊兵復塹鹽州接橫城地險緣雲陵谷變  
天驕破膽柱維成三軍鼓舞風行草八郡恬熙堵有楨  
不信請看春月至買牛荒徼樂淡耕晉溪公旣成鹽池之塹因命牛東悟憲副張清溪僉憲分督定邊東續塹以至榆林命予督花馬池北至橫城延表將二百里東工予不知若予所

督地表裏塹溝深壘固寇至必不能猝越耕牧其中者有所趨避若更增築長城稍令高厚使不可撤而又得賢將猛士憑塹以守可代天險矣智者當自識之予言非敢諛也

奉晉溪公命歸途閱塹至紅山堡少憩

新秋行役孟冬還元老邊籌指顧間東出兵聲迴白塔  
北來塹勢吐紅山並生有象天垂昴善守前規墨却般  
更拓舊城馮猛士王師無戰久須班

橫城北登眺邃老所築邊牆

新墉山立界元老忠謀世莫知流俗眩真人異見  
宏規罷役歲興師萬夫版築憂公帑千里生靈借寇資  
試問邇來頻出沒何緣不自橫城窺

奉侍晉溪公冬巡雜咏四首



奉次周歷夏境嚴韻

太保冬巡塞上州叨陪斧鉞豁塵眸寒飈振木三軍肅  
遠析搖星萬戍稠右臂政通青海路北門未鎖黑山流

夏境南  
北失險

公來關隘增天險太白終梟克汗頭

守固則戰  
亦可勝結

句翻公賤  
戰之意

紅花寺前泛湖奉命作

亦用前漾陂韻

少師入夏窮夏奇策馬登臺舟泛陂紅花寺邊好湖景  
初冬冰瑩寒琉璃琉璃椎碎擊楫入潛鱗宿翼泳翔集  
太阿光動龍渚吟九首天吳逃莫及沉竿要為淺淺測  
竿頭水怪血頻拭中流覽物念浸淫葦短無花菰穗黑  
扣舷起面賀蘭山佳秀胡為戎夏間四朝元老久密勿

中書無事西臨關卑微安敢嘆遺珠短鬢風塵任所趨  
阨塞河山險頻失國恥能辭士獨無江海萍踪為公至  
奇功偉節生平意乾坤知己復若何要使旂常公績多

蒙公疏  
薦修邊

高臺寺謾成

西天只尺佛無靈蘭若翻為斥埃形邊火烈碑臺盡赭  
皇威庇釋樹重青鳥來赤木嵐光擁龍導黃河水氣腥  
日暮移營傳令下兩僧闔戶對談經

黑山謠

閱視五岔新塹作

賀蘭如龍西北走黑山飲河龍昂首瀆宗左帶靈武來  
青銅石空夾兩肘天然阨塞塞外雄猾宋抗金事非偶



黑山高哉高復高打磴鎮遠山之口自元滅夏兵四入  
奈何北門棄不守我朝置鎮重殷鑒緣雲設險如魚留  
渡河截套城東塙不築受降勢亦久水合猶虞鐵騎來  
兩岬對防水泮後萬全十利百世規誰其內徙曾不思  
縫革爲舟亂五岔野雞臺畔巢健兒打磴鎮遠益疏越  
我軍誰復修藩籬我軍不復修藩籬人寇甘涼捷徑資  
前年總戎債事死今年總戎爵又褫  
禍胎已成危其危黑山高哉高復高元老壯猷長子師  
飛章九重界以塹舊營雖棄守庶而晉溪公謂黑山遠不可守不須窮兵  
復之以自虧元氣但設險以杜其  
入路則外患自消於是五岔塹矣

別大知已詩六十韻 有序

大知已何撫軍大中丞聯峰翟公也之鸞辱知  
已之薦多矣率附驥尾茹連數語而止惟中丞  
則專疏極稱累數百言不厭有表微之道焉雖  
淺薄愧不敢當而于知已則大矣故臨岐之辭  
欲言莫盡而筆舌  
恨不副心云爾

昔官叨瑣闥公秩屬司徒邦計朝聲籍達儀士觀殊上  
供珍筦庫內蠹竭錙銖並拜監臨責欣諾麗澤圖規恢  
遺刻削瘠薄潤敷腴繩墨循非縛廉榮曠亦拘周旋借  
侍御沃益瑩冰壺詎謂睽根合偏令苑速枯龍收翻浪  
鮪兔攫穴墉狐桂籍違鷓筵萍踪逐海隅康莊騰五馬  
遠夢滯雙鳧衛最移梁甸臺資謝郡符王韶經略地李  
勳浪遊區唾手賓番族持衡卓憲模功高人或妬價重  
玉徐沾遂長三秦臬疇嗟萬里軀髮莖仍盡黑服色已



重朱布法臨涇渭盈庭積丙虞嶽蓮風格峻城斗福星  
俱兩造神明久片言忠信孚北門求鎖鑰西顧辨瑕瑜  
黃紙中丞擢黔黎要鎮須民更元昊故毒染赫連痛戰  
伐瘡痍哭饑寒水旱癘鐵衣誰死士烽火自強禮廢  
軍承變宗淫訟積誣王師勞鮮餽寒廩賦恒逋弊埵排  
千孔涼蹊併一途要知工補抹絕跡失駘駑入境初明  
分逢災輒免租紀綱淪復整凋敝稿全蕪渠利疏唐漢  
兵機洞謀俘斂貪狼避道不啗虎依囑示儉居貧國先  
憂達上都子卯每撤樂庚癸未聞呼萬戶皆安枕諸生  
如業儒商通靈武僻稼掩賀蘭蕪汜濫新歸窟鉏犁舊  
田湖小心修屏翰大舉志  
馬謖言垂實王恢罪可

誅辭援舟共濟事異幹連株給舍廉欺罔飛章刈覬覦  
歸裝誠猝遽跂野幾踟躕在恥甘垂翅南郎幸濫筭拔  
茅付盤錯投筆嘆桑榆茗酪愁鄰貊蓴絲戀煮鱸鷄壇  
思宿約熊軾儼亨衢寶銜張華劍塵超伯樂駒微衷許  
披瀝正氣曠搏扶邈徼來縻爵前驅願執爻方圓刊杓  
鑿燥濕會焦濡果愜彈冠慶恒勤促膝吁麤翹非病急  
婉狎靡嫌諛道重綈袍略情公卵翼踰竟容親盛德真  
曲庇狂夫學業荒投裔才名滅棄繻何奇回白眼極薦  
選青蚨虛譽囊群剡官功煽火爐春嘘委溝斷楚起甃  
浮屠謾道鴛維鳥方看雉轉盧進曾窺晚達立莫使終  
孤厚誼鐫餘齒華褒誦弱雛臨岐私飲恨對酒再披愚



遠道加餐飯含生豈卒瘁朝廷需柱石輿皂別良污廟  
器捐家食皇猷待哲謨性靈煩變理鬼躁浪抑掄倘卽  
風雲去懸從警咳趨平沙渺旌蓋聚散悵須臾

奉晉溪公檄經度賀蘭西塹

賀蘭右缺地維疎塞馬年來若貫魚李廣北征軍失利  
漢家西域羽爲書亂扶赤木雲邊石漢鑿黃河岍曲渠  
但取吾民耕牧便從教山後有瓊廬

庚寅除夜

殊方歸夢久無憑漸老逢春感愧增書有百家多未讀

過恒三省寡難能

涉春犬馬之齒四十九矣

金鼉蟻結停雲酒玉案

花生報喜燈星斗闌干孤咏起山光劍氣兩凌嶒

卷上終



